



Izet Pajević

Prof. dr. sc. med.

Bosna i Hercegovina

Specijalista neuropsihijatar, subspecijalista kliničke psihijatrije, grupni analitičar, supervizor i edukator.

Sin Mehe i Fate (rođene Abaza), rođen 1959. godine u Tuzli, gdje je završio osnovnu školu i Gimnaziju prirodno-matematičkog smjera. Medicinu je studirao na Medicinskom fakultetu u Tuzli i Sarajevu. Po završetku studija zapošljava se na Klinici za psihijatriju u Tuzli gdje i danas radi obavljajući funkciju načelnika Klinike. Specijalizaciju iz neuropsihijatrije završio 1993. godine. U toku 1995. boravio na edukaciji na Missouri univerzitetu - Columbia (SAD) iz oblasti psihološke traume. Tokom 1998.-1999. završio edukaciju iz oblasti supervizijskog rada (University in Goeteborg). Od 2002.-2009. završio edukaciju za grupnog analitičara a od 2009-2013 i za grupnog analitičara edukatora (Institut za grupnu analizu iz Zagreba). Postdiplomski studij je završio na Medicinskom fakultetu u Tuzli odbranivši magistarski rad na temu: *“Islamski način života kao faktor psihičke stabilnosti”* 1999. Doktorsku disertaciju pod naslovom *“Utjecaj religioznosti na psihičko sazrijevanje i zdravlje adolescenata”* odbranio je 2003. Iste godine izabran za docenta Medicinskog fakulteta Univerziteta u Tuzli za predmet *“Neuropsihijatrija sa medicinskom psihologijom”*. Za vanrednog profesora na predmtu *“Psihijatrija sa medicinskom psihologijom”* izabran 2008. a za redovnog 2015. Na *Medicinskom fakultetu* Univerziteta u Tuzli na dodiplomskom studiju angažovan na predmetima: *Psihijatrija sa medicinskom psihologijom, Psihologija komunikacije i Socijalna psihijatrija* a na doktorskom studiju na predmetu *Klinička istraživanja*. Titulu primarijusa stekao je 2003. a zvanje subspecijaliste kliničke psihijatrije 2011. Uža oblast kojom se bavi u svakodnevnoj praksi i istraživanjima je *klinička i biologijska psihijatrija i psihofarmakoterapija, dječija i adolescentna psihijatrija, neuronauka, psihoterapija, psihoanaliza, psihotraumatologija, duhovna i integrativna medicina, psihologija duhovnosti i religioznosti*. Učestvovao je aktivno na brojnim domaćim i međunarodnim stručnim i naučnim skupovima. Objavio je preko 200 stručnih i naučnih radova. Autor je više poglavlja u knjigama iz stručne oblasti kojom se bavi i urednik je više knjiga. Član je Svjetskog (WPA) i Evropskog (EPA) udruženja psihijatara. U mandatu 2010.-2012. bio je predsjednik nacionalnog Udruženja psihijatara u BiH (UPuBiH). Aktuelno, predsjednik je Udruženja za dječiju i adolescentnu psihijatriju u BiH i Udruženja psihijatara Tuzlanskog kantona, podpredsjednik Udruženja za integrativnu medicinu u BiH, te je član predsjedništva UPuBiH i Udruženja grupnih analitičara u BiH. Živi u Tuzli, oženjen je, otac četvoro djece.